



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Sessio XXXV. Vnio ambasiatorum domini regis Castellae & Legionis.

**urn:nbn:de:hbz:466:1-15653**

rios vult habere potestatem. Super præmissis dominus Ioannes episcopus Ostiensis huiusmodi sessioni præsidens nomine Synodi respondit, Placet.

ANNO  
CHRISTI  
1417.

SESSIO XXXV.

*Vnio ambasiatorum domini regis Castellæ & Legionis.*

**D**IE Veneris decima octava mensis Iunii supradicti sessio generalis in maiori ecclesia Constantiensi fuit solenniter celebrata, cui interfuit serenissimus princeps Sigismundus Romanorum & Hungariæ, &c. rex, cum insigniis regalibus, & multis principibus & nobilibus sibi adstantibus & sibi seruientibus. Et ante istius sessionis officium, siue orationes solitas & consuetas, prælati pluuiabilibus induti, mitras capitibus imposuerunt. Consequenter reuerendi patres & domini, nobiles & strenui viri serenissimi principis domini Ioannis regis Castellæ & Legionis ambasiatores, & cum eis Petrus de Lomburga de Polonia, ambonem ascenderunt, ac ipsi ambasiatores tria in effectu facere pro præsentis sessione proposuerunt, videlicet primo Concilium Constantiense conuocare: secundo, præsentis congregationi in Constantia se vnire: tertio, subiectionem obedientiæ factam in Narbona iuxta capitula ibidem concordata approbare. Et deinde Petrus de Lomburga legit quoddam procuratorium regis Castellæ. Quo lecto, frater Ludouicus de Valle Oleti, vnus de ambasiatoribus dicti regis, de consensu suorum coambasiatorum legit quamdam schedulam conuocationis, vna cum bulla Concilii conuocatoria, domino regi Castellæ prædicto per Synodum missa, iuxta capitula concordata Narbonæ, cuius schedulæ conuocationis tenor talis est.

*Schedula conuocationis.*

*In nomine sanctæ & indiuiduæ Trinitatis.*

Nos Didacus Conchenfis episcopus, & Ferdinandus Petri de Ayala maior præfectus Guispustræ, serenissimi domini regis Castellæ consiliiarii, Ioannes episcopus Pacensis, Martinus Ferdinandi domicellorum præses, Ferdinandus Martini de \* Dauaben. Segobiensis, & Didacus Ferdinandi Palentinensis, ecclesiarum decani, decretorum doctores, frater Ludouicus de Valle Oleti ordinis Prædicato-

\* Dau-  
lo:

ANNO  
CHRISTI  
1417.

rum, in theologia magister Parisiensis, Ioannes Ferdinandi de Rupeflore decretorum doctor, oratores & procuratores præfati serenissimi domini Ioannis regis Castellæ & Legionis, ac serenissimæ dominæ reginæ Castellæ matris & tutricis eiusdem, regnorumque gubernatricis, & omnium quorum interest, & interesse potest. Ad pacem & vñionem sanctæ matris ecclesiæ puris ac sinceris affectibus anhelantes, volentesque & intendentes adimplere conuentionem in Narbona initam inter serenissimum principem & dominum Sigismundum Romanorum & Hungariæ regem semper Augustum, ac reuerendos patres procuratores, nuntios & legatos præsentis congregationis Constantiensis ex vna, & oratores ac procuratores serenissimi principis domini Ferdinandi claræ memoriæ Aragonum & Siciliæ regis, tam suo proprio nomine, quam tutorio & tutoris nomine præfati serenissimi domini regis Navarra, nec non illustri principis Ioannis comitis Fuxi ex alia partibus, præsentamus nos in hoc loco coram paternitatibus vestris, offerentes nos ad exequendum dictam conuentionem, ac omnia & singula in ea contenta: & sumus nunc attendentes, quod in primo capitulo dictæ conuentionis continetur, quod conuocatio dictarum obedientiarum fiat per prælatos, ceterosque viros ecclesiasticos huius congregationis per literas directas ad reges, principes, prælatos, ac alias personas de obedientia dicti domini Benedicti sic nuncupati. Quod vice versa præfati domini reges, principes, prælati, & aliæ personæ dictæ obedientiæ domini Benedicti sic nuncupati, debeant vos præfatos dominos prælatos & ceteros de congregatione præsentis per suos ambasiatores aut literas hic in Constantia conuocare. Et attento etiam, quod literæ conuocatoriæ pro parte vestra domino nostro regi Castellæ iam præsentatæ fuerunt, quas etiam ipse omnibus prælatis & aliis personis, quibus dirigebantur, intimari fecit modo debito, prout per instrumenta inde confecta patebit, cum fuerit opportunum, volumus & nos satisfacere dicto capitulo, cuius tenor quantum ad literas conuocatorias quæ in eis continentur, talis est.

Miseratione diuina episcopi, presbyteri & diaconi cardinales, patriarchæ, archiepiscopi, episcopi, prælati & ceteri in Constantia prouinciæ Moguntinensis in Christi no-

mine congregati, illustri principi, prout superius continetur, &c. Qua ad finem lecta, idem frater Ludouicus legit, vt sequitur: Cui quidem capitulo satisfacere volentes, conuocamus vos omnes praelatos \* ceteros dominos de hac congregatione iuxta tenorem dicti capituli.

ANNO  
CHRISTI  
1417.

\* f. & ce-  
teros

His sic lectis, reuerendissimus pater dominus Bartholomæus archiepiscopus Mediolanensis ascendens in ambonem, legit in hæc verba.

*Schedula acceptationis conuocationis.*

Nos miseratione diuina episcopi, presbyteri & diaconi cardinales, patriarchæ, archiepiscopi, episcopi, praelati, & ceteri hic congregati, dictam conuocationem acceptamus, & offerimus nos paratos sine dilatione quacumque ad procedendum ad vltiora.

Et insuper requirimus vos oratores & procuratores prædictos, quatenus ad vnionem faciendam nobiscum procedatis iuxta tenorem tertii capituli conuocationis prædictæ, quæ talis est: Tertio, quod præfatis de obedientia dicti domini Benedicti decimitertii per quosdam, &c. vt superius continetur: cuius tamen totum tenorem legebant. Et exposit frater Ludouicus de Valle Oleti præfatus, quo ad secundum principale, quamdam vnionis schedulam legebat in hæc verba.

*Schedula vnionis.*

Nos oratores & procuratores præfati, dictis nominibus vnimus nos vobis iuxta tenorem capituli Narbonensis prædicti, approbantes & laudantes omnia quæ post vnionem Aragonensem contra dominum Benedictum agitata sunt & processa pridem, & eodem modo, ac si per hanc vnionem nostram ab hac sancta Synodo nobis interessentibus facta foret. Qua vnione facta, præfatus dominus archiepiscopus Mediolanensis legebat in hunc modum.

*Schedula acceptationis vnionis.*

Nos praelati & ceteri congregati vt supra, dictam vnionem \* nostram acceptamus, profitentes vos vice & nomine præfati serenissimi domini regis Castellæ per omnia debitis modo & forma ac tempore contentis in dicto capitulo tertio satisfacisse, & e conuerso nos vobis oratoribus

\* f. vltimâ

ANNO  
CHRISTI  
1417.

& procuratoribus prædictis nominibus iuxta tenorem eiusdem capituli vnimus. Quibus sic factis, reuerendissimus pater dominus Ioannes episcopus Ostiensis cardinalis & vicecancellarius nomine totius Synodi respondit per verbum, Placet.

Subsequenter oratores & procuratores illustrissimi domini Infantis Henrici, ac ordinis sacræ militiæ sancti Iacobi de Spata generalis magistri, ambonem ascendentes, omniaque & singula facta & acta per dominos ambasiatores & oratores regis Castellæ prædictos approbantes & laudantes, conuocationem fecerunt simili modo, vt ipsius regis Castellæ ambasiatores; & similiter se huic congregationi vnierunt, prout super istis conuocatione & vnione frater Ioannes de sancto Iacobo, ordinis Minorum, vnus de ambasiatoribus prædictis, de suorum ambasiatorum consensu quamdam papyri schedulam legebat sub huiusmodi tenore.

*Schedula conuocationis Infantis Henrici.*

<sup>\*Carnata</sup> Nos Vitalis de Soto miles commendator de \* Camata, frater Ioannes de sancto Iacobo sacræ paginæ professor, Garfias de Vergata miles, Ioannes Alphonfi, decretorum baccalaurei, procuratores & oratores illustrissimi domini Infantis Henrici, ac ordinis sacræ militiæ sancti Iacobi de Spata generalis magistri, simili modo conuocamus vos omnes prælatos & ceteros dominos de hac congregatione, iuxta tenorem dicti capituli. Deinde idem frater Ioannes legit, vt sequitur.

*Schedula unionis eiusdem.*

Nos oratores supradicti dicto nomine vnimus nos vobis iuxta tenorem capituli prædicti. Super quibus omnibus & singulis promotores Concilii petierunt instrumentum & instrumenta: & de post fuit cantatum, Te Deum laudamus. Quo finito, reuerendissimus pater dominus Ioannes episcopus Ostiensis cardinalis ad præsidendum iuit, & officium sessionis solitum solenniter incipiebatur. Et lectis litaniis, aliisque consuetis, præfatus archiepiscopus Mediolanensis vna cum ambasiatoribus regis Castellæ ambonem ascendit, & legit schedulam sequentem, legendo

etiam illa capitula concordata Narbonæ, de quibus supra faciebat mentionem, quæ superius inserta fuerunt, vbi agebatur de confirmatione eorum.

ANNO  
CHRISTI  
1477.

*Confirmatio capitulorum.*

Sacrofancta generalis Constantiensis Synodus in Spiritu sancto legitime congregata, viso & considerato capitulo secundo ex capitulis Narbonensibus inter carissimum ecclesiæ filium Sigismundum Romanorum & Hungariæ regem illustrem, & dilectos ipsius ecclesiæ filios, promotores & nuntios dictæ Synodi ex vna, & procuratores ac oratores carissimorum dictæ ecclesiæ filiorum dominorum, Ferdinandi claræ memoriæ Aragonum & Sicilia regis, tam suo proprio nomine, quam tutorio & tutoris nomine, Ioannis Castellæ & Legionis, nec non oratores Nauarræ regum, & illustrium & dilectorum eiusdem ecclesiæ filiorum Fuxi & Armeniaci comitum partibus ex altera concordatis: cuius quidem secundi capituli tenor sequitur sub his verbis: Secundo, quatenus dictæ conventionis, &c. volens in omnibus obseruare dictum capitulum, promittit, ratum habet, securat specialiter, confirmat, & nouiter firmat, & statuit, & decernit in omnibus & per omnia, prout in dicto capitulo plenius continetur.

Sup. fol. 20. Viso etiam quarto capitulo incipiente: Quarto, quod per dictum vniendum Concilium, &c. abolet, tollit & irritat quoscumque processus, sententias, decreta, ordinationes, statuta & pœnas, &c. vt in dicto capitulo continetur, vsque ibi, & quod statuatur. Item statuit, quod nunquam de cetero ratione vel occasione dicti schismatis aut adhesionis dicti domini Benedicti, & sui prædecessoris domini Clementis, possit contra dictos dominos reges, principes, prælatos, & alios de obedientia dicti domini Benedicti quomodolibet procedi in iudicio, vel extra, vt in fine dicti

Sup. fol. 20. capituli continetur. Viso etiam quinto dictorum capitulorum incipiente: Quinto, quod per dictum formandum Concilium, &c. approbat, laudat, firmat, & meliori modo quo fieri potest, plenissime confirmat omnes & singulas concessiones, dispensationes & gratias factas per dominum Benedictum prædictum quibusuis personis suæ

Sup. fol. 20. obedientiæ de quibusuis dignitatibus, &c. vt in dicto capitulo

ANNO  
CHRISTI  
1417.

pitulo continetur. Viso etiam vndecimo dictorum capitulorum incipiente: Vndecimo, quod dictus dominus rex Romanorum, &c. & attento quod dicitur ibi; & quod in prima sessione, &c. dicta sancta Synodus facit, concedit, statuit & ordinat in omnibus & per omnia, prout in dicto capitulo continetur. Quibus sic lectis & completis, reuerendi patres Iacobus Rhodini sedis apostolicæ protonotarius, & Ioannes literarum apostolicarum corrector, tenens librum euangeliorum a parte dextra; & a parte sinistra dominus Thomas Poltensis dictæ sedis protonotarius, & venerabilis dominus Iacobus Moresim sacri palatii apostolici causarum auditor, tenentes libros sanctorum euangeliorum, accesserunt ad dominos in hac sessione præsentis, recipientes ab eis iuramenta. Et primo serenissimus dominus Sigismundus Romanorum & Hungariæ rex, consequenter vero & domini cardinales, archiepiscopi, episcopi, ceterique prælati & ambasiatores omnia & singula capitula Narbonæ concordata in omnibus & per omnia obseruare iurauerunt, & quilibet eorum iurauit, ac ea, quantum in eis fuit, receperunt.

Quibus iuramentis sic præstitis, Henricus de Piro promotor nomine præfati serenissimi principis domini Sigismundi surgens, publice dixit & inquisiuit: Si aliquis esset in prædicta sessione, qui haberet mandatum sufficiens illustris principis comitis Armeniaci, quod illud exhiberet. Cancellarius autem studii Parisiensis surgens dixit, ambasiatores Christianissimi regis Francorum certa habuisse scripta, quod dictus dominus comes sequi vellet vestigia prædicti domini regis. Tunc dictus dominus Henricus nomine quo supra dixit: Ex quo non apparet mandatum sufficiens pro ipso domino comite, nullo modo per iuramentum supra per eum præstitum, ad obseruationem dictorum capitulorum in Narbona concordatorum, quo ad præfatum dominum comitem Armeniaci, vellet arctari, publice & solenniter fuit protestatus.

His autem sic peractis, præfatus archiepiscopus Mediolanensis legit quamdam papyri schedulam tenoris subsequentiis. Sup. sessio.  
20.

Item domini cardinales, patriarchæ, archiepiscopi, episcopi, & alii prælati ambasiatores dominorum regum

& principum, & alii in dicto Concilio existentes, & singulares personæ, & tamquam personæ suffultæ ad hoc sufficienti potestate, iurent, prout sufficienter in dicto II. capitulo continetur.

ANNO  
CHRISTI  
1417.

Quæ prædicta omnia & singula intelligantur & locum habeant, retento tenore omnium & singulorum capitulorum prædictorum Narbonæ concordatorum, quibus & eorum singulis dicta Synodus stare intendit, nec ab eis vel eorum aliquo in toto vel in parte recedere.

Ad quæ omnia & singula dominus episcopus Ostiensis vicecancellarius & huius sessionis præfidens præfatus, nomine totius Concilii respondit per verbum, Placet.

Subsequenter dominus & frater Ludouicus de Valle Oleti prædictus, existens in ambone, legit schedulam sequentem.

*Schedula approbationis capitulorum Narbonæ factæ per oratores regis Castellæ.*

Nos Didacus Conchensis episcopus, & Ferdinandus Petri de Ayala maior præfectus Guispuftæ, serenissimi domini regis Castellæ consilarii, Ioannes episcopus Pacensis, Martinus Ferdinandi domicellorum præses, Ferdinandus Martini de \*Clualos Segobienfis, & Didacus Ferdinandi <sup>\*Davalos</sup> Palentinensis, ecclesiarum decani, decretorum doctores, frater Ludouicus de Valle Oleti ordinis prædicatorum in theologia magister Parisiensis, Ioannes Ferdinandi de Rufflore decretorum doctor, oratores & procuratores serenissimi domini Ioannis Castellæ regis ac Legionis, ac serenissimæ dominæ reginæ matris & tutricis eiusdem regnorum gubernatricis, hic præsentis & personaliter constituti, dictis nominibus quibus validius & efficacius possumus, iure videlicet, forma, modo, via, causa melioribus omnia & singula decreta, statuta, protestationes per sacrosanctâ & generalem Synodum Constantiensem nunc facta & edita, & quæ nunc sunt serius lecta, ipsa habentes pro sufficienter expressis & repetitis solenniter, vice & nomine regis & reginæ nostrorum præfatorum omnium regnorum & terrarum suarum acceptamus, approbamus, assentimus, & solenniter affirmamus. Et similiter sicut ipsa sancta Synodus protestata est, quod non velit recedere a capitulis in dicta



ANNO  
 CHRISTI  
 1417.

ciuitate Narbonensi concordatis, ita & nos dictis nominibus solenniter protestamur. Ad quæ tunc reuerendissimus pater & dominus episcopus Ostiensis, huius sessionis præsidens, nomine totius Synodi respondit, Placet. Et consequenter præfatus archiepiscopus Mediolanensis legit decretum tenoris infra scripti.

*Quod non obstantibus iuramentis, licuit ab eius obedientia recedere.*

Sacrosancta generalis Synodus Constantiensis in Spiritu sancto legitime congregata, pro bono vnionis ecclesiæ sacrosanctæ auctore Deo feliciter consummandæ, considerans quod per carissimam ecclesiæ filiam Catharinam reginam illustrem, carissimi ipsius ecclesiæ filii Ioannis regis Castellæ & Legionis matrem atque tutricem, regnorumq; & terrarum illius gubernatricem, atque per nonnullos prælatos, barones & notabiles personas regnorum & terrarum regis præfati, requisita & præstata fuerunt iuramenta & promissiones de non recedendo ab obedientia domini Petri de Luna, Benedicti decimitertii a nonnullis sic nuncupati, sub certis formis, de quibus in actis & instrumentis inde confectis latius continetur: quæ quidem acta & instrumenta, & alias quascumque probationes prædictorū, præfata Synodus de ipsis plene certificata, vult hic habere pro sufficienter expressis: quodque huiusmodi iuramenta & promissiones requisita & præstata fuerunt impedimentum præfate vnionis, propter quæ & illa nulla & irrita esse censentur: statuit, decernit atque declarat, præfata omnia iuramenta & promissiones, ac omnia & singula inde secuta, fuisse & esse cassa, irrita & nulla, nulliusque efficaciam, roboris vel momenti. Et nihilo minus ad cautelam, quatenus de facto processerunt, ea relaxat & cassat, irritat ac reuocat, declarans præfatos (vt præmittitur) iurantes & promittentes ad obseruantiam prædictorum minime teneri & obligari. Quo decreto lecto, fuit per dictum dominum præsidem nomine totius Synodi responsum per verbum, Placet. Et de post præfatus frater Ludouicus legit, vt sequitur.

*Schedula subtractionis obedientiæ confirmationis, per unum de ambasiatoribus regis Castellæ lecta.*

Nos Didacus, &c. ambasiatores & procuratores præ-  
 Concl. Tom. 29.

Bbbb ij

fati, nomine procuratorio quo supra, confirmamus, & ANNO  
CHRISTI  
1417. etiam approbamus subtractionem obedientiæ dudum factam in Perpiniano domino papæ Benedicto decimotertio, per felicis memoriæ dominum Ferdinandum Aragonum & Sicilia regem, nomine serenissimi regis Castellæ & Legionis domini nostri, & per suas literas, sicut in eisdem latius continetur: etiam ex superabundanti cautela eam nomine quo supra de nouo facimus, sicut in dictis literis continetur, & alio meliori & firmiori modo, quo fieri potest & debet, de quo offerimus literas præfati domini regis & matris in valida & expedienti forma duros. Deinde dominus Petrus de Grado, vnus etiam de ambasiatoribus regis Castellæ & Legionis prædicti, quamdam schedulam subtractionis obedientiæ per præfatum regem dicto Benedicto in Castella \* factam, in vulgari Castellano \*f. facta. scriptam, publice legit. Et quia a multis non intelligebatur, præsentibus igitur non est inserta. Deinde frater Ludouicus præfatus solenniter fecit collationem: & facta collatione, pro complemento huius sessionis reuerendissimus pater dominus Ioannes patriarcha Antiochenus Missam de Spiritu sancto celebravit.

Præsentibus ibidem reuerendissimis in Christo patribus & dominis, dominis Ioanne Ostiensi, de Vrfinis, Bononiensi, Venetiæ, Senensi, Pisano, Veronensi, Cameracensi, Tricaricensi, Placentinensi, sancti Marci, de Chalanco, de Fuxo, sanctæ Romanæ ecclesiæ cardinalibus, ac illustrissimo principe domino Sigismundo Romanorum & Hungariæ &c. rege præfato, illustribusque principibus & dominis Friderico marchione Brandeburgensi, & Ludouico duce de Burga: nec non regum, principum, nobilium, prælatorum, communitatum, vniuersitatum, studiorum ambasiatoribus, & aliis Christi fidelibus in multitudine copiosa.

### SESSIO XXXVI.

**A** NNO a natiuitate Domini millesimo quadringentesimo decimosextimo, die vero Iouis vigesima secunda mensis Iulii, fuit celebrata sessio generalis in maiori ecclesia Constatiensi. Pro cuius introductione reuerendissimus pater episcopus Atrebatensis Missam de sancto Spiritu